

796 Et istum filium meum, huius portitorem indiculi, tue commendo caritati, ill.
post Apr. 18. nomine. Et deprecetur domnam illam pro eo, ut dignetur remittere eum cum honore
in patriam.

Illam quoque dilectissimam dominam¹, obsecro, ut sub meo nomine salutes.
Fideles fuimus illi, semper amantes profectum illius ad salutem anime sue, quam⁵
semper operari necesse habuit; sed nunc maxime, eo quod post dominum suum regem
excellentissimum remansit superstes. Quae ut feliciter vivat et Deo serviat fideliter,
optamus et deprecamur clementiam eiusdem dei domini nostri Iesu Christi.

104.

*Alcvinus pontifices Britanniae hortatur, ut, Caroli regis Francorum muneribus
acceptis, pro eo et pro Adriano papa preces faciant.* 796 post Apr. 18. 10

Codd. A 1 fol. 133—134, A 1 p. 157—158 n. 112^a.*

Ed. J 61.

SANCTISSIMIS IN CHRISTO ET IN OMNI HONORE NOBIS DILIGENDIS BRITTANNIAE, DULCISSIME
PATRIE, PONTIFICIBUS HUMILIS LEVITA ALCHVINUS, SANCTAE EBORACENSIS AECCLISIAE
FILIUS, IN CHRISTI CARITATE SALUTEM. 15

Magnam habens in vestra bonitate et Deo acceptabilibus orationibus vestris,
venerandi patres, fiduciam, et quia oportuna mihi evenit occasio vestrae me diligentius^b
in commune commendare caritati, non fugi^c neglegens temporis et legationis con-
venientiam^d. Sed memet ipsum vestrae offero sanctitati, suppliciter deprecans unum-
quemque vestrum, ut me in filii^e suscipiat pro Dei amore dilectioneque; et intercedat^g 20
cum suae sanctitatis commilitonibus pro salute animae meae. Nam et ego iuxta par-
vitas meae facultatem vestri honoris et profectus devotus cooperator existo.

Sciat quoque dilectio vestra, quod dominus Carolus rex vestrae sanctitatis valde
desiderat ad Dominum subplicationes, seu pro se ipso et sui stabilitate regni, etiam^f et
pro dilatazione christiani nominis, seu pro anima beatissimi patris Adriani pape; quia 25
fides amicitiae erga defunctum maxime probatur amicum². Et qui pro tali intercedat^g
amico^h, haut dubium sua apud Deum merita multum augebit. Ideoque praefatus
dominus rex in huius petitionis ministerium hos fratres et consacerdotes cum bene-
dictionis munusculisⁱ vestrae dirigere sanctitati [proposuit^k].

Vos vero gratanter deprecor suscipite quae misit, et fideliter peragite que 30
deposcit; quatenus vestrae bonitatis fides magna a Deo remuneretur mercede et
humilitatis relegio late laudetur inter homines.

O sanctissimi patres et pastores, o clarissima totius Brittanniae lumina, pascite
gregem Christi, quantum in¹ vobis est, assidua evangelicae praedicationis instantia
et bonis sanctae conversationis exemplis. Praedicate veraciter, corrigite viriliter, 35
exhortamini suaviter. State lumbis accinctis in acie Christi, ardentes in manibus
lucernas tenentes, ut luceat lux vestra coram omnibus, qui in domo Dei sunt, ut

Cf. Eph. 6, 14.
Luc. 12, 35.

104. ^a) Lemma: Epistola Albini A 1, magistri add. A 1*. ^b) diligendus corr. manus recens
in dilectissimae A 1; dilectissimae A 1*. ^c) manus recens corr. in fui A 1; fui A 1*. ^d) convenientiae
A 1, A 1*. ^e) manus recens corr. in filium A 1; filium A 1*; locum excidisse videtur J. ^f) om. A 1*, 40
add. post dilatazione. ^g) intercedit A 1*. ^h) intercedat amicum corr. manus recens in intercedit amico A 1.
ⁱ) munusculo A 1*. ^k) proposuit superscripsit manus recens in A 1, ubi lacuna est; proposuit A 1*.
¹) quem A 1 (pro qui in).

1) Aethelfledam viduam Aethelredi Northanhumbrore regis occisi (18. Apr. 796). 2) Cf. supra
p. 146 n. 2. De tempore, quo haec epistola scripta sit, cf. Simson Jahrb. des fränk. Reiches unter Karl 45
dem Gr. II, 109 n. 4.